



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente
XI. editas

Luxemburgi, 1739

II. Restituuntur quatuor Cœnobia Provinciæ Argentinæ. FF. Min. de
Observ. Recollect.

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)

Philippus Gambardelli Clericus Amalphitanus. Thomas Lucarellus Laicus Romanus. Laurentii S. Mariae in Aquiro de Alteris.

Franciscus Antonius Palutius Presbyter Sabinen. Joannes Rapa Laicus Januen. Joannis Baptistae Sancti Caesarii Spinola S. Caesarii nuncupati.

Ludovicus Faitout Clericus Lingonen. Antonius Tournier Laicus Lugdunen. Alexander Pouchart Laicus Cenomanen. Henrici S. Nicolai in Carcere Tulliano de la Grange de Arquyan.

Joannes Cantarenus Laicus Venetus. Albertus Maria Falletti Laicus Taurinen. Vincentii S. Eustachii Grimani Diaconorum Sanctae Romanae Ecclesiae Cardinalium.

Frater Magister Paulus Marianus a Sancta Flora Ordinis Eremitarum S. Augustini Pro-Sacrista.

Frater Magister Petrus Antonius de Rubeis Procurator Generalis Ordinis Servorum Beatae Mariae Florentinus.

Frater Magister Felicianus Corellus de Fulgineo Ordinis Eremitarum Sancti Augustini Sub-Sacrista.

Joannes Torrinus Clericus Pisanen. cum praedicto Fratre Magistro Mariano Pro-Sacrista.

Henricus Tillou Clivius Presbyter Colonien. Diaecesis, cum dicto Secretario Sacri Collegii.

Ernestus Hermannus Ziegleri Clericus Monasterien. Diaecesis, cum dicto Secretario Sacri Collegii.

Joseph Zaffontius Presbyter Senensis, Canonicus Insignis Basilicae Sanctae Mariae Transyberim Custos Fontis, & Aquarum Conclavis.

Joannes Maria Lancifius Romanus. Jacobus Sinibaldus Romanus Medici Physici.

Marius Cecchinus de Liciana Sarzanen. Diaecesis Chirurgus.

Jacobus Mansuetus Romanus Aromatarius.

Antonius Berionus a Monte Sancto Firmanae Diaecesis. Antonius Fantonus Aretinus ejus Auxiliatores.

Marcus Antonius Adrianus Romanus. Joannes Dominicus Gentilis de Terra Sancti Angeli Diaecesis Civitatis Ducalis, Barbitonfores. Joannes Grancus Ferrarientis. Antonius Antimanus de Vignola Mutinens. Diaecesis eorum Auxiliatores.

Dominicus Gianninus Romanus Faber Lignarius. Joannes Baptista Amatus Urbinaten. Diaecesis Faber Caementarius.

Antonius Maria Marino a Sancto Genesio Camerinen. Diaecesis Famulus Magistrorum Caeremoniarum.

Ambrosius Rosatus. Andreas Bizzani. Andreas Campi. Andreas Montini. Angelus Merionus. Antonius Bianchi. Antonius Cantonus. Antonius Paoletti. Antonius Sella. Bartholomaeus Onginus. Carolus Catenaccius. Carolus Antonius Gratioli. Caesar Calferi. Dominicus Gilosius. Dominicus Pedusius. Donatus Agostini. Hieronymus Benvenuti. Joannes Antonius Manzolius. Joannes Baptista Barotius. Joannes Baptista Branca. Joannes Baptista Giacchetti. Joannes Baptista Soppa. Joannes Franciscus Connella. Joannes Mollarius. Joseph Campestri. Joseph Fabri. Joseph Mancinus. Laurentius Algerinus. Marcus Antonius Colletta. Matthaeus Mauritiis. Matthaeus Pellegrini. Pancratius Sfaicia, Paschalis Guardus. Paulus Minolius. Sebastianus Ciampus. Stephanus de Stephano. Thomas Mancinus Scopatores Conclavis.

Confirmatur Decretum Diffinitorii Gen. Min. de Observ. Recollectorum, quo statuitur, ut Provincia Colonien. restituit Provinciam Argentin. quatuor Caenobia.

II.

Ab Im. XII. Const. ed. 1693. Nov. 21. P. 3. confirmata fuit erectio trium Caenobiorum in Provincia Betica. Et hujus Pontificis Const. ed. 1702. Sept. 15. P. 2. extat unio quorundam Caenobiorum Provinciae Castellae.

CLEMENS PAPA XI.

Die 22. Dec. 1700. An. 1.

Ad futuram rei memoriam.

EXponi Nobis nuper fecerunt dilecti filii Fratres Provinciae Argentinensis Ordinis Minorum S. Francisci de Observantia Recollectorum nuncupatorum, quod cum ipsi alias occasione Bellorum, atque haerum, quae Palatinatum Rheni affligerunt, quatuor Conventibus ad dictam Provinciam pertinentibus, nempe Heydelbergensi, Oppenheimensi, Crucenacensi, & Lutrensi a Fratribus Provinciae Colonienensis ejusdem Ordinis occupatis privati remanissent; pro illorum vero restitutione obtinenda, articulum restitutionis hujusmodi via Juris in Capitulo Generali dicti Ordinis in hac Alma Urbe nuper celebrato cognosci, & decidi curassent, proposito eodem articulo, discussaque controversia inter Argentinensem, & Coloniensem Provincias praedictas circa dictos quatuor Conventus in Diffinitorio Generali Ordinis praedicti die 11. Junii proxime praeteriti habito, idem Diffinitorium Generale, visis, ac examinatis utriusque partis Juribus determinavit, & praecipit, ut dicta Provincia Colonienensis supra dictos Conventus Provinciae Argentinensis praedictae integre restitueret, & alias prout uberius continetur in ipsius Diffinitorii Generalis Decreto desuper emanato, ac ex illius actis deprompto tenoris, qui sequitur, videlicet: Frater Joannes Rondero Sac. Theologiae Lector Jubilatus, ac Ordinis Generalis Secretarius, omnibus has visuris, testificor, & fidem facio, quod inter acta Congressus Diffinitorii Generalis celebrati die 11. Junii, anni hujus 1700. habentur sequentia a Reverendissimo P. Ministro Generali confirmata, scilicet: Visa controversia inter Argentinensem, seu Alemaniam, & Coloniensem Provincias Recollectorum circa quatuor Conventus videlicet, Heydelbergensem, Oppenheimensem, Crucenacensem, & Lutrensem, visisque, & examinatis utriusque Partis Juribus, determinat Diffinitorium Generale, & praecipit, ut Provincia Colonienensis supra relatos Conventus statim cum omnibus suis antiquis limitibus, juribus, mobilibus, & immobilibus, aliisque appendentibus, & dependentibus, Patribus praefatae Provinciae Argentinensis integre restituant. Datum Romae apud S. Mariam de Araceli, sub Diffinitorio Generali hac die 11. Junii anni 1700. - Fr. Joannes Duran del Montio Diffinitor Generalis, & Secretarius. Quae quidem acta, prout jacent ex actis supra memorati congressus Diffinitorii Generalis constant, ad quae me refero. In quorum fidem praesens transumptum propria manu subscriptum, ac Ordinis minori sigillo communitum dedi in hoc S. Francisci Aracalitano Conventu de Urbe die 14. mensis Junii anni 1700.

Quomodo d. Provincia amiserit, & postea recuperaverit dicta Caenobia.

Decretum praed. die 11. Junii editum.

Praes. Fratrum Provinciae Argentin.

§. 1. Cum autem sicut eadem expositio subjungebat, dicti Exponentes Decretum hujusmodi quo firmius subsistat, & servetur exactius Apostolicae confirmationis Nostrae patrocinio communiri summopere desiderent: Nos specialem ipsi Exponentibus gratiam facere volentes, & eorum singulares personas a quibusvis excommunicationis, suspensionis, & Interdicti aliisque

Confirmatio
relati Decre-
ti.

Clausula.

Ecclesiasticis sententiis, censuris, & poenis a Jure, vel ab homine quavis occasione, vel causa latis, si quibus quomodolibet innodatae existunt ad effectum praesentium dumtaxat consequendum harum serie absolventes, & absolutas fore censentes, supplicationibus eorum nomine Nobis super hoc humiliter porrectis inclinati; de Venerabilium Fratrum Nostrorum S. R. E. Cardinalium negotiis, & consultationibus Episcoporum, & Regularium praepositorum consilio, & attenta relatione bo. mem. Alderani dum vixit Episcopi Ostien. ejusdem S. R. E. Cardinalis Cybo nuncupati, qui Ordinis praedicti apud Nos, & Sedem Apostolicam Protectoris munere tuncungebatur, super praemissis ipsis Cardinalibus facta, praesertim Diffinitorii Generalis Decretum auctoritate Apostolica tenore praesentium confirmamus, & approbamus, illique inviolabilis Apostolicae firmitatis robur adjicimus, ac omnes, & singulos Juris, & facti defectus, si qui desuper quomodolibet intervenerint, supplemus.

§. 2. Decernentes eadem praesentes Literas semper firmas, validas, & efficaces existere, & fore, suosque plenarios, & integros effectus fortiri, & obtinere, ac illis, ad quos spectat, & pro tempore spectabit, in omnibus, & per omnia plenissime suffragari, & ab eis respective inviolabiliter observari: Sicque in praemissis per quoscumque Judices Ordinarios, & Delegatos, etiam Causarum Palatii Apostolici Auditores judicari, & definiiri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 3. Non obstantibus Constitutionibus, & Ordinationibus Apostolicis, ac quatenus opus sit Ordinis, Provinciarum, & Conventuum hujusmodi, etiam Juramento, confirmatione Apostolica, vel quavis firmitate alia roboratis Statutis, & consuetudinibus; privilegiis quoque, Indultis, & literis Apostolicis in contrarium praemissorum quomodolibet concessis, confirmatis, & innovatis. Quibus omnibus, & singulis, illorum tenores praesentibus pro plene, & sufficienter expressis ac ad verbum insertis habentes, illis alias in suo robore permanentibus ad praemissorum effectum hac vice dumtaxat specialiter, & expresse derogamus, caeterisque contrariis quibuscumque.

Datum Romae apud S. Petrum sub Annulo Piscatoris die XXII. Decembris MDCC. Pontificatus Nostri Anno Primo.

III.

Mandatur Continuatio Visitationis Apostolicae Ecclesiarum, & locorum piorum Urbis.

Visitatio Apostolica fuit ab Inn. XII. Const. ed. 1693. Jan. 11. P. 2. Item Jan. 16. Februarii 7. & 11. Et iterum praecipitur continuatio Visitationis ab Inn. XIII. Const. ed. 1721. Maji 28. P. 1.

CLEMENS PAPA XI.

Ad futuram rei memoriam.

Dat. 14. Jan. 1701. An. 1.

Refertur in-
stitutio Visi-
tationis Ap.
ab Inn. XII.
praecipit, &
inchoat.

Cum se. re. Innocentius PP. XII. Praedecessor Noster circa Pontificatus sui primordia pastorem Cleri Romani, omniumque Almae Urbis Ecclesiarum, piorumque locorum, & operum Visitationem instituerit, eamque ipsemet in Patriarchalibus ejusdem Urbis Ecclesiis inchoaverit, ac sibi in eo munere Adjutores nonnullos ex Sacro Venerabilium Fratrum Nostrorum, tunc suorum S. R. E. Cardinalium Collegio elegerit, & assumpserit, eisque quosdam Romanae Curiae Praelatos, & alios subinde Cardinales adjunxerit, qui Visitationem ipsam peragerent, & negotia illam concernentia expedirent; Ac Secretarium, Judicem, Cancellarium, & Actua-

rium, Commissarium, & Fiscalem, aliosque forsan officiales, & Ministros Sacrae Visitationis hujusmodi deputaverit, variasque eisdem Cardinalibus, ac eorum, & dictorum Praelatorum Congregationi, necnon officialibus, & Ministris praedictis facultates, praerogativas, & Indulta concesserit, & impertitus fuerit, & alias, prout in diversis ipsis Innocentii Praedecessoris literis desuper in simili forma Brevis expeditis, quarum tenores praesentibus pro plene, & sufficienter expressis, ac de verbo ad verbum insertis ubi opus fuit, uberius continetur: Et sicut accepimus, memorati quidem Cardinales Visitatores una cum Praelatis Coadjutoribus suis Visitationem hujusmodi, tam in eisdem Patriarchalibus, quam in aliis Collegiatis, & fere omnibus Parochialibus Ecclesiis, ac in multis Monasteriis Regularium, tam virorum quam mulierum, necnon Collegiis, Hospitalibus, Confraternitatibus, & aliis locis piis dictae Urbis postea persecuti fuerint, salutaribusque monitis, & Decretis ubi opus fuit, providerint, Visitatio tamen ipsa in omnibus Ecclesiis, ac locis, & operibus piis praedictis nondum sit perfecta, sed multa negotia eam concernentia adhuc pendente indecisa. Hinc est, quod Nos pastoralis studio considerantes, quantopere visitatio hujusmodi utilis, & necessaria sit non modo ad tollendos abusos, sed etiam ad praevendum, ne deinceps introducantur, quantumque boni ex illa haecenus provenerit, & benediciente Domino proventurum sit, si visitatio ipsa continuetur, & absolvatur, ac in ea quae ad Dei cultum, & gloriam animarumque salutem opportuna, & conducibilia sunt sicut haecenus factum est, in posterum quoque pie prudenterque statuatur, Motu proprio, ac ex certa scientia, & matura deliberatione Nostris, deque Apostolicae potestatis plenitudine, memoratam Visitationem continuari, & absolvi, causasque indecisas in Congregatione praefata pendentes, prout aequitas, atque Iustitiae ratio suaserit, terminari, Visitationes particularium Ecclesiarum, ac locorum, & operum piorum jam inchoatas, absolvi, necnon Ecclesias, & loca, & opera pia nondum visitari, caeteraque omnia, & singula visitationem hujusmodi quomodolibet concernentia fieri, geri, statui, & ordinari, ac executioni demandari debere, tenore praesentium decernimus, & mandamus, ac omnes, & singulas facultates, privilegia, gratias, praerogativas, praerogativas, & Indulta quaecumque praedictis Cardinalibus, & Praelatis quorumque Congregationi, necnon omnibus, & singulis Officialibus, & Ministris supradictis a memorato Innocentio Praedecessore per suas literas praedictas quovis modo respective concessa, & attributa per obitum ejusdem Innocentii Praedecessoris minime cessasse, nec cessare, sed in suis robore, & firmitate permanere, omnibusque, & singulis praedictis respective adhuc competere, & suffragari debere, decernimus pariter, & declaramus; Et quatenus opus sit facultates, privilegia, gratias, praerogativas, & Indulta hujusmodi eisdem Cardinalibus, & Praelatis, eorumque Congregationi, ac Officialibus, & Ministris praedictis in omnibus, & per omnia, prout eis respective a dicto Innocentio Praedecessore concessa, & attributa fuerunt, motu, scientia, deliberatione, & potestatis plenitudine paribus de novo concedimus, tribuimus, & impartimur.

§. 1. Decernentes eadem praesentes Literas & in eis contenta quaecumque, etiam ex eo, quod quicumque in praemissis, seu eorum aliquo interesse habentes, seu habere quomodolibet praetendentes, cujuscumque status, gradus, ordinis, praerogativae, & dignitatis existant, etiam Cardinalatus honore fulgentes, aut alias specifica, & individua mentione, & expressione digni,

Causa hujus
Constitutionis.

Mandatum
de conti-
nuanda Visi-
tatione Motu
proprio fa-
ctum.

Item Confir-
matio, & no-
va concessio
facultatum
Visitationum.

Clausula.